

Omusita Titus Ngula

1800 mOshitayi yi ile okulaleka omusita gwawo

Elelongeleki lyaELCIN, olya ningile omalundululo ogendji maasita nomaanasikola yOngeleki ndjoka. Gumwe gwawo omusita-gongalo Titus Ngula, ngoka a tumwa a ka yakule kOlange oomvula ndatu.

Osoondaha yahugunina yomumvo (22.12.1987) omo Ngula Kasindani a laleke egongalo ndyoka a lele ngashingeyi omimvo dhi vule 20.

“Kondjeleni eitaalo lyomuJesus ne mu dhiginine oshilonga shetumo nomutumwa gwegongalo (moshitayi shOndonga), osho a kumagidha nohole oyindji yetopoko iilyo yegongalo 1800 mbyoka yi ile oku mu laleka.

Okwa dhimbulutha egongalo li dhiginine iilonga yegongalo, ongundulwiimbo yegongalo noongundu oonkwawo dhegongalo, Omusita Ngula okwe yi indila yi itule mongundu yegalikano, egongalo li taambe aatalelipo ngaashi shito noli dhiginine natango omukulukadhi gwe Maria naanona ngoka ta thigala manga puyo.

Tala kep. 6

AANTU YOMAYOVI MUUKWALUUDHI YA THIGWA YAA NA OMEYA

Ombelewa yomunashipundi shepangelo lyOwambo, omusamane Pieter Kalangu-la, oya tseyitha mOmukwetu, kutya oya tuma meendelelo omaloli gaali gomeya komikunda dhopokati kUukwaluudhi nUukolonkadhi, ndhoka dha kanitha ombaadhilila oopomba ntano dhomeya ndhoka dha kala tadhi nuwa kaantu niimuna.

Pauyelele wOmbelewa ndjoka, aantu yomikunda; lilyateko mUukolonkadhi, Oshilemba nOshihindongo mUukwaluudhi, oya kanitha omeya eti 2.1.1988, sho Aatiligane yaali taa tengenekwa oyiilonga yomeya, ya za kOruacana, ye ya pomikunda ndhoka, omutenya, e taa pata nenge taa teyagula oopomba adhihe dha kala hadhi longithwa mpoka.

Mboka ya adhikwa poopomba ye ya okuteka nenge okunwetha iimuna yawo, oya dhengwa nomayemele gawo gokuteka omeya oga yahwa po nenge ga yiwa nago, ehokololo lya ti. Momudhingoloko ngoka otamu tengenekwa mu na aantu 15,000 nenge 20,000.

Okamatyona Thigenipo yaMalakia Momala, mIlyateko, oka adhika taka gandja omeya kuyakwawo, pahokololo ndyoka inaali kolekwa, oka li ka kuthilwa ondjembo, manga omukulupe Elago Namunkundi (75) u undulwa kuShilumbu e ti ihata po.

Egumbo lyaMalakia Momala moshiponokela shoka, olya kanithile mo omayemele gaali, ga yahwa oombululu, egumbo lya Frans Makili

Tala kep. 4



Omayemele 10 oga gongelwa ndele tage etwa kombelewa yomusamane Kalangu-la, ga ninge uunzapo waashono sha yonagulwa po.

Elongithonayi lyiikunwa muNamibia lya kundanwa muSoomi, Aanamibia yamwe inaa popila omukalo gwokukundaneka

Omundohotola guanamiti muSoomi, Reijo Ojutkangas, ngoka kwa li a talele po Namibia muSeptemba naKotoba 1987 no-kwa ningi okersesa kombinga yelongithonayi lyiikolitha mOngwediva, mokushuna kwe okwa kundaneke iifo yomoshilongo shawo nkene oshigwana shaNamibia kaashi na we egameno lyasha mokulongitha iikolitha.

Omundohotola Ojutkangas okwa hiyilwe kOngeleki ya ELCIN, okutamekitha oprojeke yekwatho kumboka ya hala okumanguluka komukundu gwiikolitha.

Omalovu muNamibia oga manguluka konima yomimvo 20 dha zi ko, notaga nuwa pwa na omaindiko gasha, kutya ehalasha lyo-Whiski, lyombiila nenge lyombike ndjoka haa ningi yo yene, osho Ojutkangas a holola kiifo.

Okwa ti omoluuhepele wonkalo yiita mevi, kape na ompango yasha kombinga yiikunwa naamyoka tayi etwa mo tayi zi pondje, kayi na ongamba yasha. Pahokololo lye, iikunwa oya ninga omukundu omunene moshigwana sha-Namibia.

OWhiski otayi vulu okunwethwa nuunona komungu gwekende, aakuluntu olwindji oya kolwa noitaa vulu okulongekidhila aanona iikulya, miipangelo eso omolwezigopaleko lyiikolitha olya holoka olwindji niiponga ya za mopapalasho, osho omundohotola ngoka a longele omumvo gumwe mOnandjokwe, Ojutkangas a hokolola.

Ipopiwa ye oya holoka miifonkundana yimwe ngaashi Ita Sanomat 5/11/87 nenge Kotimaa 8/11/87. Mushika shabugunina omundohotola Ojutkangas okwa ti oshigwana oshu ukililwa kiiponga yoondjembo nenge yomakende, nompito yokuhupa kiinima mbika ontsona.

Oshigwana shoka shaa shi okulesha, otashi pulakene owala mokutangwa kwoWhiski moradio kaalandithi. Ngashingeyi evi ndika ehepele lela nando li na okawe, oli li lela kofi yepangelo

lyopakwiita lya SA, osho a hokolola onkalo muNamibia.

Aanamibia naa longe yakwawo oshiponga shomalovu, ekumagidho lyAanamibia pondje yoshilongo.

Omunashipundi gwokomitiye yiilyo yo-SWAPO mbyoka tayi ilongo muSoomi, omusamane Libolly Haufiku, mokutsakaneka omahokololo gomundohotola Ojutkangas, okwa nyolele mbala kombelewa yomumbisofi, opo yi tale omukalo gwokulonga oshigwana oshiponga shiikunwa, kutya oguni. Oombilive oonkwawo dhedhimbulukitho moshinima shika odha zi wo kaailongi Aanamibia moshilongo shoka ngaashi; E.V.Shilunga naNangombe Ausiku.

Ayehe mbaka inaa popila okunwa kwAanamibia, ihe inaa popila wo okunwa kwoshigwana, unene aakiintu nuunona tau anekwa miifo yuuyuni.

Moshitopolwa shuumbangalantu waNamibia, moka omusamane Ojutkangas ta ti okwa longele omwa kala tamu pangelwa koveta yokangendjo, konyala uule momvo dhi vule omulongo, shoka sha eta omaso nehanagulo.

Omukalo ngoka ogwo ombinga yimwe yelalakano lya SA okuhanagula po emanguluko lyoshigwana nehala lyasho okukondja, osho sha holoka moshinyolwa shetameko kiifo, shomusamane Libolly Haufiku muSoomi.

Okwa gwedha ko ishewe kutya, melalakano ndyoka lya SA omo wo mu na uupolotika tau longo moalkoholi ngaashi ooveta ndhoka tadhithungitha neulumo oombaa ooneneene noositola dhomakende momavigumbo, moka wo to adha oluhepo olunene kombinga yokweeta po uundjolowele wopashigwana.

Omakakunya gaatiligane otaga kutu uunona mookamba dhawo moka tage u longo shoka ga hala notage u hawaleke iikolitha. Aatiligane yamwe otaa gandja omalovu kaalongeli yawo, peha lyoku ya futa ondjambi yawo, naalongeli mbaka kaye na nando uuthemba wokuninga sha oshoka ekondjo lya ningi ele okukondjitha omahepeko neso, osho Hafiku e shi fatulula.

Okwa gwedha ko kutya ita zimine wo Ojutkangas sho ta ti shito muNamibia inamu kala uuthigaputuko (culture) wiikolitha yopaa-lkoholi, ihe shila oya adhikwa ashike momagumbo gomalenga nomuuwa waakwa-niilwa.

Omalovu goalkoholi nombike ndjoka yi na oonkondo dhi thike puVodka, oga kala taga hangwa megumbo kehe, nomanga Aaputu inaa ye ya moshilongo omumvo 1400, osho omusamane Haufiku a ti, moshinyolwa she. Okwa gwedha ko kutya uunona owo auke pamuthigululwakalo owa pukululwa nowa putudhwa waa longithe nando alkoholi.

Osho wo omusamane Haufiku ina zimina, kutya omalovu muNamibia oga mangululwa paidilo lyAaluudhe. Shoka Aatiligane ohaye shi popi ashike sho ya hala okugandja uusama kAaluudhe mboka ya mono oshiponga kiikunwa, osho ye e shi tala. Alkoholi ngele oya nginga omukundu kuumbangalantu waNamibia, shoka hasho shi na okuninga omukundu gu talwe ogwoshigwana ashike, Haufiku a londodha.

Omusamane Haufiku okwi indile Namibia li pewe emanguluko nziya, opo oshigwana shi uthe iinima yasho, omukalo ngoka aguke tagu ka mana po omukundu gwoalkoholi.

Omusita Festus Ashipala, omunashipundi gwokomitiye yoprojeke yekwatho miikunwa, naye ina zimina omadhiladhilo agehe ga holoka moshinyolwa shomundohotola Ojutkangas, ihe okwa tala wo kutya Ojutkangas ina popya unene iinima iikukutu yi vule mbyoka ye mwene Ashi-

Tala kep. 5

Esheko neshundulo lyoshigwana

Onda li nda kumwa mokulesha iifo yoonkundana tayi popi kutya muNamibia ohamu nuwa iikolitha shi vuithe milongo ayihe muuyuni, sha gandjwa ku dr. Reijo Ojutkangas. Nomathano gaAanamibia oga tulwa kehe pamwe omuntu to ende.

Onkundana ndjino oya li ishewe ya holoka miifo yomuSoomi ngaashi oshifo shedhina SANOMAT, ihe kutse Aanamibia otwa mono kutya shino osha fa ishewe esheko enene koshigwana shetu.

Ndohotola Ojutkangas okwa nyola wo miifo kutya okwa indilwa kOngeleki ya ELCIN a ka longe Aanamibia nkene ye na okunwa omalovu. Mokutala kwandje dr. Ojutkangas okwa fa e shi tala ko sha fa enyanu kuye note shi popi pamukalo omwiiinayi. Nglika ina uva ko nawa iilonga ye nkene e na oku yi longo moNamibia. Onawa ngele ta fatululilwa iilonga ye nawa.

Yakwetu, ngele tatu popi kaakwiilongo mbono taa ya moshilongo shetu, natu taleniko iinima nawa. Pamukalo gumwe omainyano gowala, nena nomutondi ota mono ompito yokupopya pombanda.

Aantu yomuuyuni otaa ka kala ya tye, Aanamibia nani oonkolwi, itaa vulu okwiimangulula kuyo yene. Ihe tse hasho nande tu li ngaaka.

Oshinima shimwe ishewe inandi haa okutsa Aanamibia omukumo ya kale haa nu iikolitha sha pitlila. Namibia lya lyene kali shi evi lyoonkolwi, ngaashi taa ti. Onke tu kambadhaleni okunwa pamukalo, tse tu ihumbateni ngaashi Aanamibia, opo kaatu shekithe oshigwana shetu.

Nangombe Ausiku
Halsinki



Ethano ndika olya li limwe lyomomathano ga holoka miifonkundana yomuSoomi

Ondjila yaKalunga ou shi tuu?

Oshilonga shondjila oshokuwilika omunhu i mu twale oku a hala okuya ko. Moku i landula otai mu fikifa oku ta i, ngeenge ina kanduka mo muyo. Ope na eendjila di li nhatu:

1. Ondjila yaKalunga tai endwa kovaxupifwa vaye, va fike kuye, va ka pewe omwenyo waalushe. Mat.7:13-14.

2. Ondjila yaSatana tai endwa kovakani notai va twala mekano, moheli omo mu na Satana novashikulu vaye.

3. Ope na ondjila yokedu, ondjila yeemhadi noshitauwa shomatemba nomahauto neembashikela yo.

Apa nandi popye manga oukwatya weendjila edi dokedu, opo tu ka ude ko ondjila yaKalunga noyaSatana. Osheshi eendjila edi dokedu odi li yo efano leendjila dinya mbali.

Kedu oku na eendjila da kaka, da kakekwa koifidi nokoilambo nokomangonyo nokoingholongodjo nokeeboma. Eendjila dimwe oda fita po koixwa. Eendjila dhimwe dokedu oda wapalekwa oifidi ya fewa mo noifilukutumba ya palwa nomangolyo a yukifwa, da tutilwa omamanya noda kolongwa noteya.

Eendjila daKalunga inadi fa domunhu. Jes.55:8-9 Omuwambo payeletumbulo laye oha ti: Oinima i ninga Kalunga, hayo i ningwa koyanhu. Ondjila

yaKalunga oya palwa, kai na eenghoshi noilikama ikwao, oya yela. Jes.35:8-10 Hes.18:29-30; 33:17-20.'

Kalunga okwa tuma omulongekidi wondjila yaye. Mal.3:1 Joh.1:23 Jes.40:3-4 Heb.10:20 Johannes oye omutumwa a udifile ovanhu va longekide ondjila yavo i kale ya yelekana mokulimatula eemwenyo nomunhu a mone edimepo lomatimba mohonde yOmwene Jesus Kristus. Jesus oye ondjila ou e mu na oku na ondjila yokuya momwenyo waalushe.

Apa tala eendjovo tadhi popi eendjila dovanhu edi dii naadi diwa. Omaj. 2:12-15; 20-21; 4:11, 5:8,20 Jes.59:8. Tate Kalunga ota longo omunhu ondiila yaye pawiliko leendjovo daye. Eps.32:8,119:9 Rom.11:33.

Omunhu wokweenda mondjila yokedu kolupadi ile noyeendifo yomhepo

Oukambeli kau fi omukundu, ndelenee oshilonga shaKalunga mokati ketu

Ovanhu vamwe ova tala ovakambeli, kutya ovanhu ve he na oshilonga, ndele hasho. Ovakambeli ovo omaano twe a pewa kuKalunga. Vamwe ove va tala oiyolifa, ndele onda hala fye tu va tale, kutya ovo eshito laKalunga tali fimanekwa, aishe oku i wete ya fewa mumwe novakambeli. Eshi e hole ovanhu aveshe, okuhole yo novakambeli.

Kalunga eshi e tu pa ovanhu vaye ovo ve li ngaho, otu na oku va kwafa naanaa ngaashi hatu kwafa ovo ve lixwapo. Ngeenge omukambeli oo nee wa pewa oha dula okulinyenga ye mwene, e na oilyo ye lixwapo, ndele eendunge odo nee dixupi, nena omunhu a tya ngaho, ota longwa ashike okulikwafa ye mwene.

Ngaashi naanaa to longo okaana ke lixwapo, mu longa okulikwafa ye mwene nokulonga oulonga ova tava dula. Na hololelwe kutya okuholike noundunge vaye ovo nava fimanekwe Mu longa yo okukala peendjovo daKalunga nokwiilika.

Ngeenge okwa longa oilonga, nande inai wapala, mu pandula, opo a ninge eenghono dokomongula. Ino mu yahameka nehandu, mu vela ombedi nombili. Osho a longa shii, na ulikilwe kutya oshinima osho a ninga osho ashike shii, ndele ye mwene omuwa.


Oukambeli na hafifwe nokuudifwa ombili ngaashi ovanhu vakwao. Mu yoololifa ouwa nowii moku mu ulikila ehala laKalunga paendunge daye. Jesus ota ti, ashishe eshi mwa




noyomefuta, na indile kOmwene Jesus e mu endife. Eps.37:5 Jes.57:18. Natu lidulululeni atusheni. Hos.33:10-11 Elidilululo okweefa ondjila yedipao nehepeko lovanhu ve he na etimba.

Ohatu pumbwa elidilululo lokweenda mondjila nondjila yokuya komukainhu wovanhu ile yokuya komulumenhu wamukweni. Nai efiwe palidilululo. Oikombo yovanhu oku i dipaa, ondjila youlunga okuvaka eengobe dovanhu noimaliwa nashi efiwe palidilululo. Eendjila doukolwe nadi ye okano di idilwe, ovalundili novaambi novanyanekeli. Atushe tu lilongeni ondjila yaKalunga ketu tu i shiive fye tu ende nayo fiyo omoukwaalushe.

Andreas Muleka



Omusamane Tobias Namene (70) ombendhilla 21.9.87 moshiponga shoshihauto, pamwe nayakwawo yaali; Henderina Shipa naAugustus Namupala gwaNangula.



Meme Teopolina Shinana

ningila ovamwatate, ava va dinwa, ame mwene mwe shi ningila. Mat.25:40.

**Teopolina Shinana
Engela**

Suomi ota ningi Namibia omwiidhiliki

Aasoomi otaa idhilikitha aavalelwamo muNamibia mboka ya kwatwa kiikunwa. Omundohotola omukuluntu Reijo Ojutkangas okwa galuka ngashingeyi moweendo lwoomwedhi mbali ku SWA/Namibia.

Melongelokumwe nOngeleki okwaevangeli paLuther muNamibia, ELCIN noshikondo shomakwatho shoministeli yiikwapondje nEhanganotumo lyaSoomi, Aasoomi oya tameka ekwatho miikolitha muNamibia uule womimvo ndatu.

Omundohotola omukuluntu Reijo Ojutkangas ngoka a ithanenwe kOngeleki ELCIN, okwa kala muNamibia omumvo nguka muSeptemba naKotoba okutala onkalo yiikolitha. Okwa dhangoloka nevi nokwa ningile iipopiwa kaandohotola, aapangi, aasita, aalongi, naalongwa.

Onkalo oya fa ngaashi ya li muSoomi pethimbo ndiyaka kwa li kwaa na ompango. Omalovu muNamibia oga manguluka konima yomimvo 20 notaga nuwa pwaa na omaindiko gasha, kutya ehalasha lyoWhiski, olyombiila nenge lyombike ndjoka haa ningi yo yene, osho Ojutkangas a hokolola.

Omoluhepo nonkalo yiita mevi, kape na ompango yasha kombinga yiikunwa naambyoka ngaa tayi etwa mo tayi zi pondje, kayi na ongamba. Iikolitha pahokololo lyaOjutkangas oya ningi omukundu gwoshigwana.

Oprojeke ndjika yaNamibia otayi lalakanene okwaadha okumona ehala mpoka ekwatho kombinga yoalkoholi tali vulu okumonika no-kugandja omauyelele ga pumbiwa moshilongo.

OWhiski otayi vulu oku nwehwa uunona shuukilila okuza komulungu gwekende.

Aakuluntu olwindji oya kolwa noitaa vulu okulongekidhila aanona iikulya. Miipangelo eso omolwezigopaleko lyiikolitha olya ningwa olwindji. Iiponga yopapalasho otayi monika. aluhe miipangelo.

Ekende nenge ondjembo

Omudohotola Ojutkangas okwa li a longo omumvo gumwe muNamibia konima yomimvo 10 dha piti. Namibia olyo evi lya tseyika mependulopo lyAasoomi. Ngashingeyi evi ndika ehepelelela, nando li na okawe. Oli li lela koki yepangelo lyopakwiita ya SA.

Oshigwana oshuukililwa kiiponga yoondjembo nenge yomakende. Ompito yokuhupa kushika onshona. Oshigwana shoka shaa shi okulesha, otashi pulakene owala okutangwa kwoWhiski moradio kaalandithi.

Elaka lyaavalelwamo kali na natango oshitya omualkoholi nenge uudhigu woalkoholi (alcoholic and alcohol problems). Olweendo lwandje muNamibia olwa li lwomutumwa. Miigongi aantu oya li ya hokwa nomapulo inaga pwa po nando miigongi mbyoka iishona, Ojutkangas osho a dhimbulutha.

Ehumokomeho lyiikolitha muumbangalantu waNamibia oli li petameko. Momumvo 1960 niihupe aaluudhe opo ya zimininwa okunwa omalovu memanguluko, paidilo lyawo. Sigo oompoka omalovu oga li ga nuwa ashike muuwa nomomagumbo omanene.

Omikundu dhaAIDS nomaudhigu galwe mukukalamwenyo kwoofamili ndhoka hadhi etwa kiikolitha, otadhi eta omaluhodhi mokati koonkolwe, osho Ojutkangas a ti.

Sha zi moshifonkundana shOngeleki yaSoomi shedhina Kotimaa 8.11.1987 (Elundululo Festus Ashipala).

Epito lyOmatilika 1987 otali nyenyetwa mOwambo

Oosikola adhihe mOwambo otadhi ka tameka muule womasiku gane taga landula (19.1.88) noshilalo oshinene shendopo lyaalongwa yOmatilika noyOstanda 8. Ekonakono wo lyOstanda onti 4 ndyoka okutameka 1987 lya zi pondje, nalyo olya pendutha maavali oyendji uumbanda, kutya aanona oyendji otaa ka kanitha osikola muunona wawo, ngaashi sha kala hashi ningwa mOstanda onti 5 nonti 8.

Pethimbo lyelongekidho lyoshinyolwa shika, ombelewa yOmukuluntu gwelongo mOndangwa, oya kala ye edhila omolwefudho, onke ina monikwa, a tseyithe oshize mo shekonakono alihe.

Pauyelele mboka Omukwetu a toola momalunza galwe, aalongwa 8 432 ya nyolele Std.8 omumvo 1987 aalongwa ashike 2,372 (28,1%) ya piti. Osho aniwa oshihwepo shi vule omumvo 1986 moka aalongwa 3944 ya nyolele sho mwa piti ashike 1059 (26,9%) mOwambo.

Oshizemo shekonakono lyOmatilika, omukwetu ine shi mona. Ekonakono lyuunona wAatiligane lyOmatilika, olyo alike ewanawa lela. Aanona 888 ya nyolele oopelesenda 89,6 dha piti nawa, manga 475 ya piti neziminino lyetsikilo lyouniveesiti (Exemption).

Sebulon Ekandjo

Dha za kep. 1

nolyaShimi shaShoombe, ayehe mOshilemba, oga kanithile mo kehe limwe eyemele limwe lyu ululwa oombululu. Osho wo mooHango yaMwaala, Oshilemba, omayemele gatatu ga tsuwa oombululu nendini lya yiwa nalyo. MooPetrus Shileka namo omayemele gatatu ga tsuwa.

“Ava ngeno okwa li kave shi shii eshi tava ningi ngaashi hashi tumbulwa meilikano va diminwe po, ngeno tava nyonauna noinima yavo vene,” osho omusamane Kalangula a tala iilonga mbyoka, kutya oshiningilawina shiinima yAaluudhe mboka inaa yalulwa moshilongo shika.

Okwa ti ombelewa ye oya fala ko meendelelo omaloli gomeya, manga oshikondo shomeya shu uvaneka oku ka opaleka mbala ominino ndhoka aantu mboka yaa na we ekwatho lilwe, ya nwe.

Okwa gwedha ko ishewe ta ti, ombelewa ye otayi tegelele natango kombelewa yomeya omayelithilo ga gwana, kutya oolye ya longo omuyonena ngoka. “Kaye shi okweethiwa owala, oshoka okuyonagula iinima yamukweni ngeyi inaa ninga sha, osho okudhipaga po omwenyo gwe,” osho omusamane Kalangula a tumbula nonkumwe onene manga ta tala ondumba yomayemele ga tsuwa oombululu.

Nongele osho olukeno omusamane Jan de Wet, (omunashipundi gwepangelo lyopokati), ta popi kaa ntu yoshitopolwa shino sho yaa na omeya, ne shi tu lombwele nawa, kutya olukeno lwawo ehanagulo,” Kalangula osho a kala ti ipula ethimbo alihe nelalakano lyomuyonena ngoka.

Sebulon Ekandjo



Methano ndika omusamane P.Kalangula naAmushanga gwe gwowina, omusamane Oswald Shivute, oya thikamena omayemele nonkumwe onene.

OSHIMPWIYU SHUUPOLOTIKA NUUNDJO-LOWELE WANAMIBIA

Festus Ashipala

Twa thiki ishewe momumvo 1988 notashi ti, opwa piti ihe ngashingeyi omimvo 10 sho cuvathano ndyoka lya etele po oshitokolitho 435 shligwanahangano muuyuni lya tokolelwe.

Ethimbo ndiyaka 1978, oyendji yomAanamibia oya li yu wite, kutya emanguluko lyoshilongo shika otali ka ningwa mbala, konima yehogololo lyaayehe lya tonatelwa kligwanahangano. Ayehe ooyene yoshili, SA naSWAPO, oya li ya taamba shi ende ngaaka. Openi ano sha yonukile?

Mpoka sha yonukile omuntu oto nyengwa oku shi talala mombethale yimwe ayike noito vulu okugandja eyamukulo lyoathaatha. Kombinga yimwe SA okwa nyengwa okwiinshela SWAPO, oshoka oku wite aluka, kutya oye omutondi gwe noina hala okusiminithwa kumboka yopondje taa ti na pange ukukume naSWAPO.

SA okwa kambadhala owala okutula po oongundu dhimwe dha tholomwa owina dhi pingene ongundu yaSWAPO. Oongundu ndhoka ongaashi DTA sigo oondjoka yi li ngashingeyi koshipundi aniwa 'oyetaaguluko'.

Oongundu ndhoka dha tholomwa owina odha ende tadhi halakana po, oshoka shoka sha ningwa inashi fa shoka she ya po kehala lyondjuulukwe yaantu yoene. Ongundu yaSWAPO oye ende tayi hoko nonando kwa kambadhala nomikalo odhindji yi yonwe po.

SWAPO kombinga ye, naye ina mona omukumo gwa gwana okwiitula moongundu dha tholomwa ku SA, oshoka okuwete kutya emanepo lyethimbo, oshoka mboka itaa ka eta emanguluko nenge ngele otaa li eta, nena olyo ukoloni uutiyali.

Osho ano pwe endwa ngeyi momimvo ndhoka omulongo dha piti. Opwi ipyakidhilwa ihe itapu ya sha. Manga ihe oongundu ndhika tadhi kondjithathana naandhoka dhomeni tadhi kondjele poshitafula shomitumba dhowina nenge dhopaulumompumbwe, sho oshigwana otashi mono oshiponga komalovu gaAlkoholi.

Otashi nu omalovu ngaashi omeya noinaashi dhimbulula, kutya ogo uuzigo mboka tau yonagula iilyo yolutu; uuluyi, ekuli, iityanathigo nondambandamba nosho tuu, notayi yonagula omakwatyamuntu gokombanda nogomeni nomakwatathano naantu ooyakwawo.

Omalovu ngaka gaAlkoholi, iindhindhiliki yiilonga yago, otayi monika nale moshigwana. Oombila otu dhi na, iilegele yowala nenge aavu yolala mboka taa alukwa Alkoholi, otu ya na, oondjokana otadhi teka nomagumbo ogendji kage na ombili. Iilonga itayi dhigininwa we, iiponga yomoondjila ku pula.

Oshigwana oshindji osha kuutumba muundingosho nomoombotolo tashi nu sho sha pulakena Oradio sho tayi tanga oWhite Horse NaFresante nenge Windhoek-beer. Mboka ye na iilonga oyendji nayo emo taa menekele ongulungula poalkoholi, oyo taa ka ukala pomestaha (ethimbo lyomwiha).

Mokati kiilonga oto vulu okudhimbulula omaynyengo gaaniilonga nomapopyo gawo taga wilikwa, koalkoholi. Iilonga itayi longwa we nuudhiginini noneitulomo pamwe nokuli iilonga oya ethiwa. Ondunge nadho odha mona oshiponga, oshoka odha'ya omeya'. Aantu ye na omite dha yela, unene aalumentu methimbo lyokomatango, otaa ka pumba.

SA ongaashi naanaa aakolonyeki ooyakwawo, oshinima shika okwe shi tseyi kutya Alkoholi osho hayi longo ngeyi. Opo oshigwana shi kothe, shi ninge iilegele, shi se, okwe shi egululile emanguluko lyomalovu oyo shi "mu kanithile oshilongo shika".

Etumbulo lyOmbimbeli ndyoka tali ti: Onkolwe itayi thigulula oshilongo shaKalunga, ngashingeyi moshilongo shetu otatu vulu oku li tala nomukalo nguka, kutya onkolwe itayi thigulula oshilongo shuupolotika.

Oshilongo twe shi kanithile muAlkoholi. Muuyuni wonale Ngolonye gumwe gwa SA okwi ile mOwambo, ta londodha kombinga yeyoka lyondala ndyoka tali zi muAngola, olyo omalovu gaAlkoholi.

Epopilo negameno lyoshilongo shika shaNamibia, okwa li wo e na oku shi gamena keyonukopo lyomalovu gaAlkoholi nokwe shi ningi sigo omumvo 1960.

Sigo oompoka iikunwa ayihe iidhigu yaAlkoholi, oya li ya keelelwa kaAaluudhe mevi ndika. Oyi indikwa papangelo. Ngashingeyi omolwashike eyoka lyondala lyeshiwa pwaa na oveta, pwaa na ompango, po pwaa na ekondololo lyasha? Kehe gumwe naanona otaa vulu okunwa, kape na mbudhi kutya oku na oomvula dhi thihe peni.

Aakiintu naasimba naamwali otaa nu. Iikunwa yaAlkoholi naambyoka iidhigu naambyoka inayi konakonwa paundjolowe, otayi adha shaampoka momahala gaAaluudhe. Ngele to yi miilando aantu otaa ende iiluku niiluku taa nu omutenya aguhe nuusiku.

Aanamibia Aaluudhe kaye na engungumano momagumbo, kaye na esiku lyoshituthi shenyanyu, kaye na shituthi sholuhodhi, esiku kehe olyokunwa. Hoka kwa mwena, shila okomagumbo gaAatiligane. Kashi shi oshinima sha ningilwa owina shono?

Yo ihe aapangeli yomitumba dha tholomwa owina, oyu wite ashike ombili, manga oshigwana tashi hepa komalovu, yo inaa tseyi, kutya oshinima shika osha pumbwa omutumba gwowina mOkabinete.

Mikhail Gorbachev, gwaRusia ngoka a li omuhogololwa gwoshigwana she nokwa li u wite.

Dha za kep. 2

pala ha popi moshigwana kombinga yiikolutha.

Omusita Ashipala ota zimine pamwe naOjutkangas kutya omalovu oga patululilwa oshigwana keindilo lyaanangeshefa mboka e ya shi komadhina nokonima sho sha ningwa, aatiligane oye ga dhimbulula, kutya nani oshilongitho oshiwana papolotika mokati kaaluudhe.

Palongo lyaAshipala, kaku na onkolwe tayi thigulula oshilongo, haashoka ashike shomegulu, ihe noshuupolotika, nosho shoka a tala tashi inyenge muNamibia.

Mokersesa yawo yetameko lyoprojeke ndjoka tayi ka kutha oomvula ndatu mOngeleki ya ELCIN, omwa za omathaneko gamwe ngoka taga tumwa kElelongeleki okupewa oonkondo okutulwa miilonga, moka mwa kwatelelwa:

1. Oshimpungu shonkalathano mu ELCIN, shi longekidhile oshigwana ehala naayakuli ya gwana mboka taa kwatha mukukelela uuvu wuunkolwe moshigwana.

2. Ku tonatelwe uunona naagundjuka mboka inaa hala we moosikola noya yonuuka, nkene ye na okukwathwa.

3. Ongeleki yi kundathane nepangelo lyomoshitopolwa, oyo li gandje iimaliwa yokutungitha oshipangelo shaavu yoalkoholi, osho wo epangelo li konakone noli ninge omautho okulanditha omalovu ngaashi hashi ningwa muuyuni auhe.

okulile po suwanawa woshigwana she, okwa li a tala shoka tashi hepeke oshigwana. Okwa li a mono kutya omutondi gwasho gwotango oye Alkoholi ndjoka tayi nuwa pwaa na eitulomo lyepangelo. MuRusia aantu oya li haa nu ngaashi mOwambo noKavango pwaa na omautho gasha gepangelo.

Okwa li a ningi omautho; oombootolo dhi eguluke ethimbo lyu uthwa, aanona yaa nwe omalovu gaAlkoholi sigo ya gwanitha omimvo 18, omalovu gaAlkoholi ga ndilopalekwe nuupale womaudhano u taandelithwe apehe mevi. Ondi inekela ndjika oyo wo ompango tayi utha Aatiligane muNamibia na SA, oshoka uunona wawo itatu u adha nando muindingosho nenge moobootolo.

Eyoka lyondala lya enda, uuzigo walyo otatu u mono uenene muumbalantu. Otatu tegelele emanguluko aniwa nando tu shi shi: "Ndago iha nigii iyali." Alkoholi ihayi kala kumwe nemanguluko.

Oshigwana osha li sha pumbwa mbalambala mayelithilo, kutya Alkoholi oshike, unene aanona moosikola nomomagumbo. Oshigwana osha pumbwa ngashingeyi okutungilwa ooklinika nenge oshipangelo moka oomwahe dhaAlkoholi tadhi mono epango. Omalovu gaAlkoholi tage ya mo, oga li ge na okuyalulwa nokukondololwa paveta, ngoka gaa li paveta nopaundjolowe, ga patwe.

KOvenduka ngele ku na oombootolo dhi li ndatu nenge ne adhike, nena okwa li pu na wo okuyalulwa kutya oombootolo ngapi dha yeleka okukala mOshakati. Haeyuvi ngaashi tadhi tengenekwa dhi li mo ngashingeyi. Ekonakono kaanaveta nokaa-ilishimpwiyu yuundjolowe nonkalathano, oya pumbiwa.



Omusita Festus Ashipala

4. Ongeleki yi kwatathane noshikondo shelongo, opo omatungo goosikola gi indjipalekwe, uunona u ende osikola tau zi momagumbo sigo Std 8. Shoka otashi ningwa omoluunona tau yi momihandjo uushona unene, notau yonukile mo kiikunwa.

5. Ongeleki yi kwatathane noshikondo shuuhaku, aapangi ya fatululile shili nawa aavu, unene oomeme mboka ye li momategelelo, opo yaa longithe iikolutha nopamukalo nguka otaku kelelwa oshiponga shuuvu womalovu moshigwana shokomeho.

Iitsa mbika oya li yimwe yomumbyoka ya zile mokersesa ndjoka. Ayehe Ashipala naOjutkangas oya tala kutya okersesa ndjoka oya li etameko ewanawa lyoprojeke ndjoka ya dhiladhilwa.

Pamundohotola Ojutkangas, oshilonga shika otashi ende kashona omolwompumbwe yiimaliwa, onkene okwa yuulukwa muNamibia mu monike ehala moka oonakulongitha omalovu taa mono omapukululo.

Sebulon Ekandjo

Ombelewa ipe yoshitaingeleki shokOkavango ya yeululilwa oilonga yayo

RUPARA, KAVANGO: Ombelewa ipe moshitaingeleki shaKavango oya yambekelwa nokuyeululiwa oilonga yayo eti 15.11.1987 komukwafi womubishofi omufita Matti I.Amadhila. Oshivilo osha li sha kalwa kovakwashiwana vahapu, pamwe nohamba yOvakwangali omushamane Daniel Sitentu Mpasi.

Pefimbo loshivilo shinya omufita Amadhila okwa tumbula kutya; otwe ya okuhambelela Kalunga eshi ta longo nonena mokati kovaitaveli vomounyuni aushe nomoshiwana shaKavango yoo. Okwa twikila ko kutya ombelewa ei omo tai kala moRupara fiyo alushe omanga ounyuni u li ko.

Eendjovo edi okwe di popya noku likolelela kotekisti yOshoondaxa ya tetekela Oshoondaxa yepangulo mu ELCIN odo di li 2 Petr. 3:8-13, mokukoleka omatokolo a ningwa nale ombelewa yoshitai i dikwe moRupara. "Ovaliyambi novatungi amushe onye omwa tandavelifa evaengeli moshilongo shetu, Kalunga na koleke oilonga yomake eni," odo omufita Amadhila a pandula nado ovakwashivilo aveshe.

Konima yoitya ya dja mokanya komufita Amadhila ovanhu aveshe ova hovela okulundulula oipundi yavo okudja metokopya lomutenya oo wa li tau xwike neenghono efiku olo, opo ku twikilwe nelongelokalunga lefiku. Eudifo ola li la ningwa komuyakupashukili omufita Heikki Ausiku.



Omutonatelishitayingeleki Asser Lihongo, ta gandja ehokololo lyiilonga yoombelewa.

Patekisti yefiku olo omufita Ausiku okwa tumbula kutya oku na oinima oyc tai dulu okwehelwa, ndele eitavelo ihali ehelwa nande. Eshi okwe shi popya mokulikolelela muMat. 25: 1-13, oinghumbi omulongo. Omufita Ausiku okwa yeleanifa omahooli enya kwa li taa indilwa koinghumbi itano neitavelo olo itali dulu okufyuululwa ile okukwafelwa mukweni nande.

Konima yelongelokalunga omupashukili woshitai shokOkavango omufita Asser Lihongo okwa eta ondjokonona pauxupi. Lihongo okwa ti nonande okuniwe omhumbwe yoilonga moshilongo ovakwashiwana ova ninga keshe osho tava dulu mokoongela oupeni vavo fiyo va ongela R32 537,53 nokuli.

Okwa pandula yoo eengeleki dovakriste aveshe odo de liyamba nokukwafela mefikamifopo lombelewa yavo. Okwa li yo kwa fikifwa etumwalaka lelelongeleki la ELCIN kuhamushanga wa ELCIN omufita Absalom Hasheela.

"Oshitai eshi shaKavango osho shi na omwaalu woilyongeleki ushona koitai aishe ya ELCIN, ashike osho oshitai oshitivali mokulitungila ombelwa yoshinanena," osho omufita Hasheela a pandula ponhele yeelongeleki. Okwa kunghilila vali Ovakavango va longe nouidiini opo ombelewa yavo i dule okukala po, shaashi itai dulu okukala po ngee kape na omaongalo.

"Ongeleka oya longa noudjuu, shaashi kapa li oimaliwa, eenhele ile oilongifo ya wana, ashike ondjovo yaKalunga inai mangwa keemhumbwe edi," osho omutumwa Ulla Nenonen a tumbula ponhele yo FELM, ehanganotumo lovasuoomi. Okwa kumaida ovakriste aveshe va twale evaengeli fiyo okeenhele oko inali udika ko natango.

Ohamba yoshiwana shOvakwangali Daniel Sitentu Mpasi okwa li yoo a popifa oshiwana shaye moshivilo shinya. Ohamba Mpasi okwa tumbula nokunongofola pOmukwetu kutya; ye ina twa kumwe noveta yokangedjo koufiku oyo tai pangale moshitopolwa shOwambo.

"Ovanhu aveshe nava ende oufiku, shaashi ngee pe na vamwe inava pitikwa okweenda efimbo

limwe (oufiku), olyelye mbela ta kala e na oumbangi wa wana kutya olye ta dipaa ovanhu omaufiku?" osho ohamba Sitentu a pula Omukwetu; omanga omufita Amadhila a li ta fatululile ovapwilikini oveta yokangedjo koufiku moWambo, ye ta tale kovili yaye.

Ongeleki yaKatoolika kaRooma nayo oya holokele okutyapula pamwe moshivilo shinya. Omukalelipo wayo okwa tumbula kutya ope na ovadalakadi vamwe tava indile va mone ounona vovamati, opo ngee ka kulu ka ye metanga leameno noke mu kufe koxulo yeonga loluhepo. Eshi okwe shi popya mekwatafano naAnna eshi a li ta indile Samuel kOmwene, opo e mu yapulile Omwene, ndele haluhepo laye lokolutu Angelikana, Metodiste na NGK, eengeleki edi oda li yo moshiviloyeululo moRupara.

Omudingonoko aushe waRupara efiku olo owa kala tau linyenge ovakwashivilo ve fike lwopomafele avali momhepo yehafo nomaimbilo taa imbwa nawa. Pamwe naAmadhila

meyeululo linya, omwa li yoo ovafita: Absalom Hasheela, Asser Lihongo, Alfeus Sikwaya, Heikki Ausiku, Junias.V.Kaapanda naJohannes Sindano.

Thomas Nghitukwa



Dha za kep. 1

Hugunina omusita Ngula okwa thigile egongalo ndyoka mesiloshimpwiyu lyaKalunga nokwe li indile edhiminathanopo ngele nani opwa li mboka ya ningwa iilalo keyakulo lye. "Jesus ota vulu oku mu panga iilalo mbyoka," osho e ya kumagidha mohole onene.

Uudhiginini miilonga womusita Ngula megongalo ndyoka owa fatululwa komusita Johannes Nantinda nokomukulupe meme Anna Amatsi. "Ngele ope na ngoka ta ti Ngula ina ninga mo sha megongalo ndika, ita popi mombepo yoshili," osho omusamane Nantinda Onguta ngoka i ile kelongelokalunga siku ndyoka, a thikama ta popi megongalo lyaShitayi.

Kuku Anna peha lyegongalo okwa ti, yo yu uvite uudhigu ketopoko lyawo nomusita gwawo ngoka a kala omimvo 22 ngaashi omuvali noyana. Okwe mu gandja ashike miikaha yaKalunga.

Omusamane Paulus Shikongo Nantinda, oye kwa li a popi peha lyaagundjuka yegongalo ndyoka. Okwi ithana omulalekwa komeho gegongalo nokwe mu zaleke stola, elapi lyokombanda yondjatha ontokele yuusita (alba) e te mu tumbulile; "Tu dhimbulukwa aluhe esiku kehe uuna to yi miilonga yoye hoka to ka ya."

Ongundulwiimbo yegongalo Shinime shIimvula nokuwolo ndjoka ya dhikwa komusita mwene (Ngula), osho wo oongundu dhilwe kiinagoga yegongalo, okwa li tadhithuthike oshituthi shelaleko lyomusita.

Omutonatelishityingeleki oye a thigilwa manga oshimpwiyu a tale egongalo nkene tali yakulwa. Okuza Desemba 1987 sigo Febuluali nuumyo otali yakulwa komulungwasita Lukas Imalwa. Omusita Hosea Nampala naye siku ndyoka okwa ulukilwa egongalo, kutya ota kala he li yakula.

Sebulon Ekandjo

Omukwetu ota dhimbulukwa noluhodhi olunene yimweyimwe yomilingwanima yomumvo 1987 moshitopolwa shiita. Ehalelo lyOmukwetu olya ndika ando Kalunga a pepithe ombepo ye moomwenyo dhaayeha mboka ye na oonkondo miinima yevi lyetu, opo pu ningwe shono tashi hulitha po etiko lyombinzi moshilongo shika.

17.3.1987 - OMAMUTAYI - Aakulukadhi yaali aakulupe; Ndiikuwa yaShindodi (67) na Kaunapawa Shindodi (65), aamwayinathana oya lyatelwa megumbo lyawo kekaspele manga ya holama iita. Aagundjuka yatatu oye ehamekwa. Omukulukadhi omushii-nda Rebeka Nangolo (27) naye okwa yahwa okusa esiku ndyoka.

1.1.1987 - OSHAKATI - Omukadhona Kristofina okwa yahwa molupati sho a tindi okulala nekakunya.

18.1.1987 - OHANGWENA - Omuhandjo gwaan- nasikola mOhangwena gu umbwa iikuti ya ziilile mokamba yaa- kwiita momudhingoloko.

20.2.1987 - OIPUTA, Angole. Omumati Mariu Aitula (23) okwa yothwa kombunda ketanga lyegameno osho wo kuume ke Leonard Haikali (30).

5.3.1987 - ONTSIKA, Uukolonkadhi: Okakadhona Mirjam Aksel Kanyemba (18) oka teywa okwooko komakakunya.

6.3.1987 - UUKANGO WASHINDJALA: Omusa- mane Jonas (Shindjala) shaNgaamwa (70) okwa teywa oombati noonjala dhokululyo ketanga lyegameno. Omukulukadhi gwe Viktoria Shii-nda (59) naye okwa teywa oshikaha shokolulyo. Osha ningilwa pegumbo lyawo mUukango mOndonga.

25.2.1987 - ONAMAKUNDE, Angola: Omusamane Mateus Kashivanepo (58), okwa yahwa mompadhi ketanga lyegameno. Uuno- na we Shidute naPenchafo nawo owa ehamekwa. Iikombe 15 oya dhipagwa.

8.3.1987 - Ndimuludhi Sheuya (57) okwa yahwa mompadhi kaa fadhukepo.

13.3.1987 - OHANGWENA, Uukwanyama: Omunasikola Viktoria Nghikofa okwa yahwa manga ye li momuhandjo gwawo gwosi. Aanona 8 nayo oye ehamekw

27.3.1987 - OMUNGWELUME, Oukwanyama: Luise Nghitete (35) nomusamane gwe Josafat (34) oye ehamekwa nayi ke- tanga lyegameno.

26.3.1987 - OKAHAO: Etungo lyongeleka ya- Kahao olya yahwa nayi kiikuti yaa- kwiita okusa mokamba.

10.4.1987 - ONDANGWA: Aakulukadhi Johanna Shetunyenga (27) naRosalia Filippus e- li metegelelo lyoomwedhi hamano, oya kwatwa onkonga komakunya pe- gumbo lyawo.

16.4.1987 - OMUTHIYAGWIIPUNDI: Egumbo lya- Tomas Nakaziko (45) mOmuthiyagwi- pundi, olya fikwa po ketanga lyegameno nomaliko agehe oga yiwa nago.

19.4.1987 - OUTAPI, Ombalantu: Egumbo lya- mukulupe omuposi Wilhelemina Shi- weda (87), olya hokololwa lya pya po kiikuti ya zi mokamba.

24.4.1987 - OKAMBEBE: Oshihauto shomulongi Samuel Haimbili sha yahwa kaayendi yuusiku nosikola ye ya fikwa po uusiku mboka.

16.5.1987 - ONETHINDI, Ondonga: Omumati Josafat Viktor (23) NaJoel Johannes (26) oya yahwa kedhagadhaga uusiku. ayehe oya hupu.

16.5.1987 - IYALE, Ondonga: Omusamane Samuel Simon (38) okwa ti okwa teywa okwooko komakakunya megumbo lye, sho aniwa ina mona SWAPO.

14.6.1987 - OSHITUKU, Ombalantu: Omusamane Josef Dumeni (41) okwa yahwa okusa ketanga lyegameno manga ta landula iimuna ye muAngola mbyoka ya yakwa po megumbo uusiku.

- MOshakati omusamane Lemisiu Mikael (35) okwa teywa oluyego mOshakati, komakakunya.

8.6.1987 - OTHEYEMANYA: Johannes Elia, okwa teywa okwooko komakakunya manga e- li kohambo yimuna muuzilo wOndo- nga.

30.6.1987 - ONANDJOKWE: Ambulansa yoshi- pangelo shOngeleki mEenhana, oya umbwa kaakwiita ya SA noya yahwa, konyala okilometa yimwe okuthika mOnandjokwe. Inapu monika oshi- ponga shomuntu.

3.7.1987 - OKAMULE, Uukwambi: Egumbo lyomukulupe Alina Shilongo (70) olya fikwa po ketanga lyegameno. Omwana Abner Shikesho okwa yiwa naye okusa kesiku ndyoka sigo onena.

8.7.1987 - ONGWEDIVA: Okakadhona Laina Taapopi (17) oka yahwa uusiku mo- lukanda lwaNgwediva okusa nalsrael Mwandangi (21) okwe ehamekwa.

9.7.1987 - ONEKAKU, Oshigambo: Naftali David (14) okwa yahwa moompadhi koma- kakunya, manga ta kongolola iimuna ongulohi pegumbo lyawo. Ongombe yi- mwe nayo oya yahwa okusa.

- Natango esiku ndyoka mOkankuzi, natango mOshigambo, omukulukadhi Marta Shimpanda (33) okwa yahwa metundji manga te ende uusiku.

23.7.1987 - OHALUSHU: Omusita Frederik Nghihalwa (65), okwa mana oondjenda dhe moshipangelo mOvenduka, kuu- wehame wa zi momahepeko getanga lyegameno 23.4.1987.

27.7.1987 - ENGELA laKmbode: Aantu yane oya yahwa okusa ketanga lyegameno manga taa zi pokandingosho uusiku. Oyo Selma nokanona ke David: Rauha Andreas nomumati Dishela.

- Esiku tuu ndyoka, omusamane Jonas Indji (39) okwa sile moshiponga sho- boma mOkalongo.

1.8.1987 - OMUULUKILA, Ombalantu: Omuku- luntusikola Imanuel Mundukuta (26) posikola yaMuulikila okwa dhengwa komakakunya nokuyahwa.

6.8.1987 - ENDOLA, Uukwanyama: Omusamane Achilles Kalunde (32) okwa hepekwa nayi nomadhengo nokwa pandekelwa moshihauto uusiku auhe kaapolosi mOshakati.

1.9.1987 - OSHUUSHE: Yatatu mOshuushe, oya yahwa ketanga lyegameno, oyo: Marta Jason nuunona we uyali uumati Silva- nus naElina Jonas.

20.9.1987 - OMUULUKILA: Etungo lyongeleka yaKatoolika mOmukulukila olya hana- gulwa po kiitopitha.

1.10.1987 - OUTAPI, Ombalantu: Omukulukadhi Nandjila Shipopyeni (27) okwa yahwa okusa manga yakwawo Ndiweteko Ka- tofa naVeronika Aukongo ye chame- kwa. Oya yahelwa moshipangelo sha- Kamhaku ya tegelela epango.

21.10.1987 - OLUNO, Ondangwa: Okanona Linekela Hafeni (12) POLuno, oka topelwa komboma ya tulwa moshi- dhanitho.

20.10.1987 - Jesaja Ananias (12) Ohaukelo, naye okwa topelwa koboma yopeke moka a kanithile omunwe gumwe.

23.10.1987 - OKAKWIYU, Ondangwa: Uunona utatu mOkakwiyu popepi nOndangwa, owa sile metopo lyoboma yopeke. Owo Angelpine David (6); Kerdula David (3) naHortesia Immanuel (7).

16.11.1987 - OUTAPI, Ombalantu: Omukulukadhi Amalia Ndatunga, egumbo lye olya dhengwa kiikuti omutenya ya zi mokamba yaakwiita noya yonagula oshindji.

20.11.1987 - OMUTAKU: Aantu yane oya sile moshiponga shoboma nayaali ye ehamekwa. Oonakusa oyo Shikoyeni Nangolo; Petrus Nangolo; Jonas Sheetekela naFrans Gabriel.

13.12.1987 - OKELEMBA, Uukwanyama: Omuku- luntusikola pOkatope, Paulus Nghish- shekwa Tjapa, okwa dhipagwa uusiku komakakunya nomusamane Elias Waandja okwa yahwa nayi mokugulu.

DESEMBA ????: ODIMBWA, MOnhelelwa: Iimaliwa R 2,00 na R 50,00 oyi itsuwa momikunda moka ya ma- ngelwa kooboma.

A xulifa moshiponga shoshihauto



Nakusa Junias Ndimwedi

Omuhongifikola Junias Ndimwedi, omona wo- muyevangeliste Johannes Ndimwedi, okwa xulifa moshiponga shoshihauto 9.12.1987 mondjila yokuya kOlange nokuya mOllindili. Okwa li womido 25. Junias okwa pita Ostanda onhinhano pOnamutuni nonhihamano 1975. Omudo 1982, okwa pita ouhongifikola nokwa longa tete kofikola yOvaherero.

Oshikako oshititatu okwa tameka pOnamutuni mOvenduka opo a longa fiyo edimbuko laye. Omudo 1986 okwa mona o- djapo yefimaneko, kutya okwa ninga omulongi Omuseniolu. Oshilongwa osho a kala ha longo Algemene Wetenskap nOmbibeli. Okwa kala ha deula yo oonona etanga ovo va- likola omakopi mahapu momaudano oo, nokwa kala ya omulongekidi woudano woSokker muNamibia alisha.

OVA SHANGELA NGE TAVA TI

Omapulo nomayamukulo omashona koshinyolwa sha A.K.Odatwa mOmukwetu gwaAguste 30,1987 ep.5.

Omahepeko nomadhipago ngoka haga ningilwa oshigwana koPlana (aakwiita yaSWAPO) ndjoka wa tegelela, ogo aniwa omatoye ge vule ngoka wa tumbula moshinyolwa shoye? Nenge owa hala okutya yo ihaa dhipaga nokuhepeka?

Ngoye sho wa tegelela oPlana yi ete emanguluko, manga wa mwena, oshike iho yi u ka lwe pamwe nayo, sho wa tegelela wa mwena manga oPlana tayi si omutenya, ondjala nenota esiku kehe? Nenge ngoye omuyambidhidhi owala mokana walye?

Ngame ondi shi oosikola ndhoka to popi tadh hanagulwa po, odha tungwa po kepangelo. Yo mboka to ti omakukunya, aakwiita, ohaya longele lye ano, ondi shi epangelo ngaa? Walye nduno kutya otaa vulu ngimi okuhanagula po iinima yepangelo (oosikola) lyo epangelo olyo taa longele.

Ne aategeleli yoPlana, omu na yakwetu elago, oshoka omu na uuthemba wokweegulula omakana geni, nolwindji ohaga ningi omanene molwaashoka ohamu popi iifundja yowala. Tse mboka inatu yi tegelela noinatu yi yalula, omakana getu oga mangwa, oshoka mokumakuka, omo nga monkalamwenyo yoye ya fupipala nopwaa na ngoka ta ti ko sha. Oshoka ngoka a hala a tye ko sha, naye ota dhipagwa.

Ngele oto popi omahepeko nomadhipago taga ningilwa oshigwana okuza koombinga adhihe, otatu tsu kumwe nangoye. Ihe ngele ou shi owala okupopya kwaambyoka hayi ningwa kwaamboka to ti omakakunya, ngoye to mwenene mbyoka tayi ningwa koPlana, molwaashoka oyo wa tegelela, uuyuuiki noshili yoye otatu yi limbilitwa nenge otatu yi tula oshipulitho.

Anti-Plan
H.Talanawa
Indangungu

KOvanamibia ovaholike

Onda nyengwa komapulo aNghilifavali Nd.N. eshi ta ti omakakunya hano okwe lininga ovatilyaane, eshi ngaho tava tele eeboma? Ame mwene Omunamibia, ndi li mo ngaashi ndi li meumbo lange mwene, nondi li omutonateli weumbo lange.

Ngeenge meumbo omwe uya eyoka tali li eexuxwa, ohandi kendabala nomukalo oo tai dulu opo ndi watele eexuxwa dange, nohandi lombwele ovaneumbo lange kutya eshi tashi li eexuxwa eyoka euta ile oshihambanhoka.

Nghilifavali ngeenge owa mona ekakunya tali tele oboma, oshiwa u li lopote kombelewa yoshilongo sheni. Ngeenge iho lopota omunhu ta eta efyo li fike opo mokati koshiwana, osha yela lela kutya nani oove ho tele eeboma, ove to ti omakakunya a tela.

Hano ou na onghenda nomutondi ta eta efyo mokati koshiwana? Lopota omunhu opo a katukilwe onghatu nokulongelwa oshilonga, eshi hashi longelwa eyoka tali li eexuxwa meumbo.

Pukululeinge Kamati
Omuulukila

Epukululo ku T.K.Kandume

MOmukwetu 15.11.87 epandja 12, omu na eshiivifo lefyo laViktoria Nghikembwa, la shilivifa ku T.K.Kandume, woKondobe. Owa ninga nawa, osheshi ashike wa kuna epuko, osheshi ino pula ovo va shiiva nawa nakufya ve ku pe ouyelele.

Eedula danakufya odi li 21, kadi li 22, efyo ola li 28.4.87. osho yo twa didilikifa membo leongalo. Omukwetu oshifo shongeleki, e ille po oku tu udifila oshili nelandulafano. Hano natu mu kwafe oku mu lombwela oshili.

Omupukululi
Mikka Petrus
Oranjemund

OMBILIVE YEEGULUKA KOMAKAKUNYA

Otandi simaneke ombilive yekakunya Nalimanguluke, ndjoka ya holokele moshifo shOmukwetu gwaSeptemba 15,1987 moka ta ti: "Onawa hano nge ovanhu tava longwa opolotika, opo va ha ye moukakunya." Esimano lyombilive hamolwaasho ando te tsu kumwe nayo, ihe omolwasho ya pe ndje ompito ndi longe omakakunya sho nda tala wo kutya, ngiika nani oga pumbwa elongo lyondjokonona yuupolotika woshilongo shaNamibia, ngaashi Nalimanguluke ta ti.

Opolotika ngele okwe yi tseye, omwi ilongekidha wo tuu shili oku yi longitha nawa? Okutseye oku na wo oshinakugwanithwa. Ndhindhilikeni ano iinima tayi landula mpaka:

Aanamibia yashili itaa kondjele uukomonisi nenge uukapitali, ihe otaa kondjele emanguluko lyaNamibia..Omolwashike? Oshe ende ngeyi:

Momimvo dhonale Aayafrika ayehe oya kala momapangelo gawo yene, taa pangelwa kaAaluudhe ooyakwawo. Shika osho sha li nomuNamibia. Aapangeli aawanawa oya simanekwa. Mokati kawo otatu vulu owala okutumbula mo yamwe aanene ngaashi: ooHedrik Witbooi 'omunene' ooMaharero kaTjamwaha.

Itatu dhimbwa nando ooNehale lyaMpingana, Mandume gaNdemufayo, Iipumbu yaTshilongo. Onda tumbula ko owala mboka to vulu okutseye sho haa simanekwa nando ya sa. Aapangeli ngele aawinayi, inaa talikwa owala onteni, oya kuthwa uupundi nenge ya ningwe sha shilwe, opo yaa tsikile nomapangelo-lelo guudhudhu. Pamwe ngoka to vulu okuwa ko nuupu oKamhaku kaHuhwa. Otatu vulu tu ku pe iiholelwa yilwe, ihe Kamhaku ne mu gwanene manga.

Manga nduno Aanamibia ya kala taa tyapula omapangelo gawo yaa na ombudhi, enyanyu lyawo nemanguluko lya etelwa omainyengo omape. Mokati kaantu yomuEuropa omwa tukuluka ombepo yokulikola nokuthipa omavi galwe.

Shoka osho sha li she etitha Aaputu komunkulo gwaNamibia momumvo 1484. Shika osho sha li oshikando shotango Omutiligane ta thiki nota monika moongamba dhaNamibia nando Aaputu mbaka inaa ya meni lyaNamibia muule woovvula odhindji dha landula ko, omeh gayeuropa oga kala ga nanenwa koNamibia, nando itaa shi popi montaneho. Osha hololwa konima.

Omumvo 1652, Aatiligane Aaholanda oya tokola ya lale Okapa. Okuya kwAaholanda mOkapa okwa egulula ondjala yaAatiligane ye ye sigo omeni lyoshilongo shaNamibia, shoka shi na omauyamba ogendji. Shika osha li sha ningwa petambathano lyomathemimvo 18 na 19.

Aatumwa aakrtiste oye ya lwotango koNamibia omumvo 1805, ya ziilile kuEngilanda. Aatumwa mbaka oye endele pamwe noongundu dhaakongi yiyamakuti naahalithi yiiipindi nomaliko galwe, mboka ya tungu uusitola wotango moNamibia yaantu ya manguluka.

Pethimbo ndyoka Aanamibia oya kala ngaa ya tegelela aantu mbaka yaazaazayi ya shune hoka ya zile, ihe nani hasho. Aamentu oye ya okulumba, onke ya lukwa iilumbu. Nkene ya lumbile, kape na we dhokushuna. Natango onkalo oya kala ngaa yi li mepangelo lyaAanamibia



Ongundulwiimbo lwoshitayi shaKavango moshituthi sheyapulo lyoombelewa.

Tala kep. 9

yoyene. Nani iilumbu mokukala moNamibia yu uvu mo uutoye nomulyo, onke ya tameke okuninga ompangela meholamo, nkene taa vulu okukwata ko oshilongo.

Omumvo 1842, omo aatumwa Aandowishi yEhanganotumo lyaRheinish (Ehangano lyomalongo omakwaLuther nogopaRefomi, ye ya koNmaibia. Oya li yi ithanwa ko, opo ya longo aantu Ohapu yaKalunga, ngoka kee na oshenge. Ya longe Kalunha kuuyuuki nombili. Kalunga ngoka ta sile ayehe oshimpwiyu monkalo kehe tayi kwatha omuntu kehe pankalathano, meliko nopapolitika.

Ya longe Kalunga ngoka itaa tala oshipa shomuntu nenge omuhoko gwe. Manga aatumwa yamwe taa longo neitulomo nonuulaadhi, yo yamwe yomuyo nani otaa lala oondjondhi nomayambandjodhi, opo epangelo lyaNdowishi li ninge Namibia okoloni yawo. Yamwe yomaatumwa mbaka oya kwatele komeho oshinima shonakuyiwa yekolonyeko lyaNamibia.

Aatumwa yEhanganotumo lyaSoomi nayo oya landule aatumwa yAandowishi kuNamibia momumvo 1870. Ihe aatumwa Aandowishi oyo unene ya li ya kwatwa kenyanu li vule lyayakwawo, sho Namibia lya ningi oshihakanwa longo shaNdowishilanda momumvo 1884.

Aandowishi inaa lombwela nando Aanamibia kutya Namibia lya ningi oshipangelwalongo (okoloni) shaNdowishi. Aandowishi oya li ye shi shi, kutya ngele ye shi popi, otaa shongo omambonzi ga lala. Aandowishi kaya li ya hala ya yonenwe ombepo yawo yei-kuthilo lyoonkondo lyiilongo yantu pwaa na eziminino lyaakwashigwana (nosho tashi ithanwa ombepo yopauimperiale).

Aanamibia oya kala taa lesa oombepo dhilumbu. Mbalambala oya dhimbulula, kutya ope na sha tashi ende mongaya. Nani Ndowishi a lala oshilongo. Uukoloni we ya. Ngele tatu popi uukoloni, otatu popi Namibia nenge evi li-we lya tulwa mepangelo lyakwiilongo kaape na epitikilo lyaavelelwa mo. Uukoloni otashi ti, okukala nokupangela megumbo nenge moshilongo shayakweni pwaa na ewathano. Uukoloni owo uufuthi wokuyakapo oshinima kehe shamukweni.

Ope na wo shoka hashi ithanwa uukoloni weegameno (neo-colonialism), Shika osho okweethela oombepo oonkwiilongo dhi pangele moshilongo sha manguluka. Nenge okweetha oshilongo shi pangewe kaakwashigwana aashona yowala, mboka taa nanwa meyulu kaakwiilongo, peha lyokulandula omawo ogendji gaavelelwa mo.

Emanguluko otali ti ano omukalo gwokutokola uungodhi auhe mboka wa mangelwa koshilongo nenge kaawiliki mboka taa pangelwa ya fa omuntu ta pangele omapopitha.

Aanamibia sho ya dhimbulula uulingilingi wAandowishi, osha geyitha aapangeli aanene yoshilongo shika. Unene tuu mboka ya li ye hole AANTU YAWO SIGO OKUSA ngaashi: Witbooi, Maharero naNehale. Aapangeli mbaka oya tokola opo ya mete oonkondo dhawo nAandowishi.

Iita yekondjelomanguluko lyaNamibia yotango oya yi ngaaka mondambo lwopehulilo lyomumvo 1800. Iita mbika oyo tayi tsikilwa sigo onena koSWAPO. Ngweye nee dhimbulukwa, kutya uukomonisi owa adha nale ooWitbooi taa kondjo-

Yaali ya yahwa okusa, omutitatu e ehamekwa nomutine a kwatwa onkonga - iilonga yomilema

Omulongisikola posikola yaKatope Paulus Nghishekwa Petrus Tjapa (29), okwa tsuwa oombeke konyala omulongo kaalumentu mboka ya li taa pula iimaliwa, manga inaaye mu yaha oholo ndjoka ye mu kutha omwenyo. Okamati Filemon Kahenge (20), nako okwa sile moshiponokela shoka. Osha li sha ningilwa pegumbo lyomusamane Elias Waandja (30) ngoka naye a thigwa metente lyombinzi mOnandova, mUukwanyama.

Pahokololo lyomukundaneki gwetu, ongulohi yeti 13.12.87, poheyali yokomatango, aalumentu yatatu ye li miikutu yopashigwana, ya homata, oye ya positola yomusamane Elias Waandja. Oonakusa ayehe yaali nayo opo ya adhikwa ye ya okutalela po mwene gwegumbo.

Konima yokathimbo okafupi, aalumentu yoo-ndjembo oya tameke okupula omusamane Waandja ya ka popye po, naanguka sho a tindi, oye mu yaha omagulu agehe nopistoli nokupula e ya pe R 30 000 ngele okwa hala natango omwenyo.

Manga omukulukadhi gwaWaandja, meme Veronika Ndeutapo (27) ine ya fala megumbo e ke ya pe iimaliwa, aadhigapi oya pilukile Paulus naFilemon. Oye ya tsu noombeke nokonima oye ya sigula nooholo.

Iimaliwa R 1 500 mbyoka ya gandjwa komukulukadhi, kuyo oya li inaayi gwana natango, onkene ya thiminike ya pewe natango. Konima sho inaa mona sha, oya kwata omukulukadhi, yaali yomuyo nokulala naye. Meme Veronika okwa adhika a kwiinina okanona komvula yimwe.

Konima oya kala taa kongo omusamane Waandja ngoka i ikokele miihwa nokuholama, opo naye ye mu sigule. Sho inaaye mu mona, oya kutha ashike shono ya li ya pumbwa mositola noya shuna. Aakulukadhi yalwe wo mboka ya li po, oya li ya ningilwa omatilitho omanene nopwa li etegameno eshona lyokukala nomwenyo.

Ongula sho kwa shi, oshiponga osha lopotwa pokamba yopopepi, pOkatope mbaka noya

Pehulilo lyaNovomba 87, oshigwana osha li sha ligolele pombanda onkundana yomakakunya ge vule 400 mobataliona 101, pOndangwa ga tinda okukwatha SA miita ye naSavimbi, okukondjitha MPLA nogomobataliona 202 kOkavango 48, sho tage etha po iilonga omolwondjambi onshona.

Omushangwa gwethanekopangelo lyopaukomonisi (manifesto) gwaKarl Marx, 1818-1883 ogwa ka shangwa omumvo 1848, manga Hendrik Witbooi a valwa lwopo-1825. Oshilongo wo shaRusia osha landula omulandu gwopaukomonisi konima yomumvo 1917, konima yaWitbooi a sa nale.

Aanamibia oya tameka nale okulwa, manga omupopyo guukomonisi inaagu ya momakana. Emangukulo nuukomonisi, kashi shi oshinima shimwe aawe. Emanguluko otashi ti wo okukala



Nakusa Paulus Tjapa

kwatwa pamwe nomukwathi gwawo Lukas Ikola yaMbangula, ngoka taku tiwa okwe ya edhilile megumbo lye noku ya pa uuyelee mboka ya li taa pumbwa.

Pakuuva, ombapila yelandulathano lyomadhina gaamboka ya talwa oye na ngiika iimaliwa oyindji, oya adhikwa moondjato dhaalumentu mboka moka mwa holoka wo edhina lyomushiinda shaWaandja, Teofilus Shidjuu.

Omusamane Waandja okwa kala ta pangwa moshipangelo shaShakati.

tamu ipangele ne yene miinima yeni nokukala naapangeli one yene mwe ya hogolola, ihe inamu ya pewa kaakwiilongo.

Witbooi omusamane gwomimvo 80, okwa sa a rya ondjembo peke momumvo1905, ta kondjitha uukoloni. Konima yeso lye ooJacob Morenga (omulongi momina) Samuel Maharero, Mandume gaNdemufayo nIipumbu yaTshilongo oya tsikile olugodhi.

Inaa sindana pethimbo ndiyaka pandjembo, ihe

Tala kepanja tali landula

KAPE NA OMITI, KAPE OMOVULA

Ethimbo lya piti konyala omimvo dhi vule omulongo muNamibia unene koshipolwa shokuumbangalantu, okwa kala haku lokwa nuunkundi lela. Moshifo shO-mukwetu shono sha zile ko, omwa li epulo lyomeya, oshigwana tashi hepekwa kowenye, ihe inashi hala ekwatho ndyoka.

Olwindji otwi itaala, kutya iilumbu oyo yi na shoka hayi ningi ko kegulu, opo omvula yaa-loke. Nande itandi vulu lela okutya hasho, uushili wepulo lyomvula ou li melongelokumwe lyetu.

Shigwana, owa tseya tuu kutya omolwashike omahala ngaashi goombuga yaNamib, yaKalahari nenge ngaashi ombinga yaSwapokmund ihaaga mono omvula onene nenge nandonando? Eyamukulo efupi lela, kamu na omiti.

Ngele osho shi li ngeyi, ekwatho olini ano omiti dhi li na, sho taku tiwa odho hadhi lokitha omvula? Otatu tseni kumwe nokutya ngele omvula ya loko, ohaku kala omeya momilonga nomomatale. Ethimbo lyuupyu, omeya ngoka ohaga pwine, gamwe ohaga yi mombepo molupe lwomuku.

oya sindana mokuulika kutya oyo ya li ooyene yevi noya thigile oyana uuthiga wekondjelomanguluko. Etompelo sho inaa sindana pandjembo, olya li mpoka, kutya Aayeuropa oya li ye etelele oondjembo nomakanona ngoka ya dhipagitha nago Aanamibia.

Aanamibia kaya li ya pitikwa ya kale noondjembo nenge ya ye metanga lyiuukoloni (muukakunya ngaashi mu li mo). Aanamibia oya li ya talikwa, kutya ngele oye ya ethele ondjembo pethimbo ndiyaka, osha li sha nika oshiponga momoho gaatiligane. Aanamibia oya kala ye shi shi shoka ya hala noye shi uutoye wemanguluko. Ngele owe ya ethele ondjembo, itaa ningi shili omakakunya gogene.

Inaye mu fa mboka tamu li tamu kotha ombonyo muukakunya, ngoye inoo yalulwa kwaamboka to longele. Iilonga mbyoka tamu popi ya pumba, mbyoka oyo tamu thigile aana yeni naatekulu yeni uuthiga, peha lyokuya thigila emanguluko? Andola mwa li mu uvite ko emanguluko shoka tali ti, andola mwa tokola shili okulya omakunde nokuzala iipa momagumbo geni moluhepo, shi vulithe okuyambidhidha uukoloni, waa teke po.

Omolewekondjelomanguluko ndika lyotango lyaNamibia, aantu omayovi ogendji oya li ya dhipagwa komakanona gaAandowishi. Aaherero 60,000, Aanama nAadamara 30,000 oya dhipagwa. Oyendji ya fadhuka po moshilongo ya ka mone ombepo koBotswana. Shika ashihe osha ningilwe omumvo 1910 inaagu dhanwa.

Iita yotango yuuyuni, oyo ye etitha Namibia li gwile muukoloni wOombulu, mboka to kwatha ngashingeyi. Omumvo 1914, omatanga gaakwiita ya SA oga ponokele Namibia, ga dhenge omatanga gaAandowishi, ye SA a lele oshilongo ngele a sindana. Osho sha ningwa. Omumvo 1915 Aandowishi oya dhengwa ku SA.

Omeya ngoka haga yi mombepo ngele ga adha ehala lya talala, nawa mewangandjo, nena ohaga ningi iikogo nokonima otaga vulu ga gwe mo molupe ishewe lwomeya, tse tatu ti ihe omvula tayi loko.

Omiti ndhika odho di na okulundulula onkalo yombepo, okuza muupyu noku yi talaleka. Ngele kadhi po, nena ewangandjo otali kala lya pupyala nomvula itayi loko we. Naashika palongo lyomunongononi, otashi vulu wo shi lundulule uukwatya wonkalo yombepo muu-

Tala kep. 12

Epulo koshiwana

Omolewashike ovanhu hatu dulu oku dopa Oshingilisha osho ashike kollongwa aisho, ndele omunhu ito i kongudu yokomesho, nonande hasho elaka loomeme? Nande na! kale ponghatu yotete itai dulu nande okufilwa onghenda?

Nyamukulei nge, onda limbililwa.

Omuihongil
Julia Ndapewoshali Shikokola
Ponhofi Sec. School

Epulo

Nandi kwafwe ndi lombwelwe efiku nodula omo ohamba Mandume ya dalwa. Oshinima eshi onde shi pumbwa neenghono nandi kwafwe.

Namupa T.Nakale
Eengedjo

Okuza mpoka SA okwa lala oshilongo pamulandu gwEhangano lyIigwana (League of Nations). SA okwa li a pewa oshimpwiyu a fale Namibia memanguluko nomeipangelo lyAanamibia, ihe ine shi ninga. Iita iitiyali yuuyuni ye ya ishewe.

Konima yiita mbyoka, Ehangano lyIigwana olya teka po, ihe olya pingenwa kEhangano lyIigwana yahangana (United Nations Organisation -UNO nenge VVO). Ndika epe olya totelwe 1945 nolya tsikile okugandja oshimpwiyu ku SA a longekidhe emanguluko lyaNamibia.

SA okwa kukutike omutse gwe, nopeha lyokumangulula Namibia, okwa toto ashike ooveta dhokatongotongo ka yaga kegonga omumvo 1948. Uupika waNamibia owa hanyekwa, omavigumbo ga totwa nedhiladhilo lya SA a gandje ando Namibia kooyene, olya shonopala muye. Aatiligane mboka ye etele uukriste, oyi itungile oongeleka dha topolwa ko kodhaavalelwamo, ihuna!

Okwaalevuka kwa SA okwa hwameke ongeyo yaAanamibia ndjoka ya li miipala yooWitbooi petameko lyethelemumvo 20. Shika osha fala sigo oompoka oomaHarero aape ya penduke molupe lwooHosea Kutako, Andimba Toivo yaToivo, Hendrik Witbooi gwomushona, Sam Nujoma, David Merero, Theo-Ben Gurirab, Kahumbakandola, Libertine Amadhila, Hage Geingob pamwe nomapenda ogendji.

Mbaka oya tokola okwiimanga kumwe e taa toto po omahangano goshigwana; South West National Union (SWANU) South West People's Organisation (SWAPO). Omahangano ngaka mpoka ge thike taga popitha SA nelaka etalala, opo pwa kala pu thike SA ta yamukula nelaka epyu lyondjembo.

Eyamukulo lya SA lyondjembo, lya fala SWAPO metokolo a ndambule elaka lye, a popye mokana noku longithe ondjembo oshita. Osho sha ningwa 1966. Omumvo tuu ngono (1966), ogwo wo Iigwana ya hangana (UNO) nayo ya tokola kutya SA kee na we uuthemba wokukala moNamibia. Sigo onena SA kee na uuthemba mboka, ihe SA natango okwa pa ko owala ekothi, ina hala okuvulika.

SA ota tsikile okukolonyeka Namibia pondje yoveta netokolo lyuuyuni. SA oye omuteyi gwiipo, ota teya ooveta naandhoka tadhi pangele uyuyuni auhe. **Peha lya SA a ze mo moNamibia, ota tsikile ashike nokuhilila Aanamibia muukakunya, opo a mone mboka taa li nayo iimaliwa yuufuthi noyepumpo, ye a mone mboka ta teya nayo oveta yuuyuni, ye a kolonyeke Namibia a fa kee wete ko.**

Kuume Nalimanguluke, itandi mu holeke, uukakunya itashi ti omizalo ngaashi to ti. Aakwiita yaSWAPO nayo oye na omizalo konyala dhi fe dheni, oshike ihaaku tiwa omakakunya! Kaye shi omakakunya. Uukakunya pethimbo ndika otatu ti; omukwiita ta longo uudhudhu nokwa kutwa muukwiita womuukolonyeki.

Omuntu a tya ngaaka kee li owala muukwiita wa puka, ihe okwa talika wo oye omukengeleli gwevi li mone emanguluko nombili yi pangele. Ekakunya omuntu ta landula shaashoka, nosha puka. Ito kundathana naye, ngele e ku dhenge nenge e ku dhipaga, opo ihe ta mono ompito yoku ku pula. Emanguluko kekakunya, okuninga shoka lya hala.

Dhimbulukweni nokutya Namibia olya alike li li muukoloni wonkulu yonale muAfrika, mboka tamu longele muukakunya neitulomo. Ando mwa li inaamu ya mo, ando Namibia olya manguluka nale. Mbulu ngoka hamu uhala naye, ite mu longo sha shopolotika yoshili, ihe oku mu posipaleka ashike mwaa tseya uutoye wewi lyoonyoko ndyoka mwe li yugwa.

Nandi mu dhimbuluthe nantango ishewe, kutya aantu oya tala omakakunya ogo aatondi yoshigwana shaNamibia noyOngeleki. Onda kala momalongelokalunga ga hanagulwa po komakakunya. Jesus ngoka hamu popi hamu yi kuye kongeleka, ngiika ina fa ngoka ha dhengitha aasita yetu komakakunya sho taa popi oshili ye.

Nenge inamu uva omusita a dhengwa komakakunya nenge a tulwa mondholongo kugo? Ngame ondi shi shi kaku na ooJesus yaali, ngele nani ne omu shi ko Jesus gumwe e hole uufuthi nekolonyeko, tu lombweleni mboka tu li mongeleki. Ewitho lyevaangeli ndyoka tamu popi itali ti; vulikeni komakakunya nokepangelo lyaa shi lyeni. Ohapu yaKalunga ketu otayi ti: Vulikeni kaapangeli yeni.

Aapangeli yetu oye li peni kuume Nalimanguluke? Oolye twa hogolola ye tu pangele muNamibia, opo tu vulike kuyo? Mboka taa longo nawa naa simanekwe, ihe mboka aalongi yuwinayi, inaa ilongela esimano. Oya pumbwa owala epukululo yi itedhulule. Okwiitedhulula otashi ti okweetha oondjila inaadhi uka, ngoye u kale nombili naKalunga nonaantu ooyakweni. Uufule tau zi mondjembo nomoonkondo inoo dhi pewa, itau ku pe eyambeko.

Ngele ne aakondjelimanguluko ngaashi hamu ti, oshili yeni (nayi monike miilonga iiwanawa, hamoohapu dhowala. Dhimbulukweni wo kutya

Tala kemandja tali landula

Uukoloni tau tsu ondumbo noshinakugwanithwa dhOngeleki

otwa kanitha omapenda ogendji ngoka gi igandja ondjambo omolwaNamibia li manguluke. Nandi tumbule po owala gaali, oge mu gwanena. Ongaashi ooTobias Hainyeko naImmanuel Shifidi. Yalwe oyendjiyendji oya sila momake geni omakakunya, nayalwe ya sila muupongekwa omolweni aadhipagi yoombepo noomwenyo dhAanamibia.

Ongeleki ndjoka mwa hala yi mu papatele nomaako gaali, omwe yi kanithile wo omapenda gooColin Winter nayalwe oyendji sho ya tidhwa moshilongo nenge ya dhipagwa. **Oongeleka (omatungo) nOngeleki (ehangano alihe lyopaitaalo), oosikola, iipangelo, iinya-nyanyangidho, aakriste yOngeleki niilikolwa oyindji yOngeleki oya kanene muukoloni waNamibia.** Ondjo yomakanitho gaayehe nogaayihe mbika, otayi tulwa momake gepangelo lyuukoloni nomoonyala dhoma-kakunya.

Ngele taku ti inaku halika omakakunya mongeleki, itashi ti inaku halika omakakunya ga hupithwe. Ongeleki hayo ehupitho, ihe Ongeleki otayi kwatha aantu yu uve ko ondjila yehupitho. Lyo ehupitho nee olya kwatela mo aantu ayehe noyoSWAPO wo mboka hamu ya tamu kongo moongeleka nopomalongelokalunga tamu ga vundakanitha.

Nenge ou na ko owala nasha nehupitho lyomakakunya, ngoye itoo popile ehupitho lyaakwiita yaSWAPO? Ngame onda li nee ndi shi anwa omakakunya sho ge shi Kalunga, otaga hiya nduno ihe SWAPO a kale ha yi kongeleka, oyo ya mone wo ehupitho, hasho? Dhimbulukweni ano, kutya ehupitho inali kwatela mo owala ngele wa si, u ka hupithwe megulu, ihe olya kwatathana wo nongashingeyi, nena. Onke elongo lyuuyuuki, ombili, emanguluko, ohenda, okuningathana nawa, ayihe mbika otayi kwatha omuntu gwaKalunga, oyo a uve ombili muuyuni mbuka, ye a tegelele nenyanyu Omuwa gwe sho te ya te mu ile e mu fale megulu lyaaluhe.

Uukoloni mboka omakakunya tamu longele, otau tsu ondumbo nelalakano lyOngeleki. Ongeleki itayi popile nando shoka tashi tsu ondumbo nelalakano lyayo nonuuyuuki waKalunga. Kristus wo ita zimine omakolonyekathano nomathiminikathano, ngaashi Nalimanguluke Titus wa ti; Jesus Kristus ina hala nande odi yaye imwe i kane." Sho shika itashi ti, ando kutya naangoka to longo uulunde nuudhudhu otashi ku pethitha omayambeko nondjila yokuya megulu, aawe.

Sho twi itaala megulu kamu na uukoloni nokatongo, onke aluhe otwe mu etela ohenda ne naahona yeni mboka mu hole okatongo, oshoka megulu itamu ka panda mo mwaa na okatongo. Walyewo mpoka tamu ka ya, oshoka nuuyuni otawu ka hula po.

Kuume Titus, ondi inekela ngoye omukriste, Omimbili yoye otayi ti: "Ngoka e na omakutsi gokuuwa nu uve ko." Mat.13:9 Inandi hala mu kale mokati kaamboka taa popiwa komuprofiti Jeremia 5:21, sho ta ku ti: "Omagoya nee, pulakeneni, omeho omu ga na, ihe ihamu mono ko, nomakutsi omu ga na, ihe ihamu uvu ko."

Onda hala mu ninge dha londoka ihadhi yi iita, ye naakwaalombwelwa, ona ningi iinima yaa fele mokati kaantu. Ye kee ku lombwele, kee shi gwoye. Otwa hala ayehe ya hupithwe shili muupyakadhi waNamibia. Onkene dhimbu-


lukwa, omafuma otaga lile okuhita, ye Nekwa lya tsima oye ngaa nyoko. Nyenti iha dhininwa peumba lye, **Namibia oli na okumanguluka.**

Inandi hala ndi hulihe ombilive ndjika inaandi mu dhumbulutha natango omahalo, omainyengo, noondjodhi dhAanamibia oyendji mboka nda tsakaneka nonda popya nayo nenge nda lesa kombinga yawo. Shika otandi shi ningi mokinga engongo lyiinima iyali. a) omvulwe na b) ondjuulukwe yawo.

- A) Omvulwe:- Aanamibia oya vulwa
- epangelo ekwiilongo muukoloni
 - okwaa na emanguluko nombili
 - Okwaapopilwa kuuthemba
 - womuntu moshilongo shaa-ndjawa
 - okukanitha oomwenyo nomaliko gawo omolwiita ye yi etelwa
 - uudhudhu nokwiihumbata nayi kwomakakunya
 - iita tayi ya thiminikilwa nedhipago taye li thindilwa
- B) Ondjuulukwe:- Aanamibia mboka otaa yuulukwa
- epangelo lyopashigwana neithikameno
 - emanguluko nombili nuu-themba womuntu u popilwe naayehe ya simanekwe moshilongo
 - okukala noomwenyo nomaliko gawo
 - uuyuuki u longwe noma-kakunya ga tseye oshili
 - iita yi hule nomatati ga tulwe po
 - Oveta yuuyuni yi landulwe noshitokolitho shIlgwana ya hangana 435/78 shi tulwe mbala mii-longa.

Ondi inekela ou hole omwenyo gwoye, Titus, aantu ayehe osho ye li. Ngele ou hole ohapu

Hangala a mono uundohotola montseyo yiikwamina



yaKalunga, owa pewa ano oshinakugwanithwa shokupopila oomwenyo dhi kale oomwenyo, hamidhimba. Popila ombili, ohenda, uuyuuki neipangelo li holoke muNamibia.

Ngele oto ipambula ko koshigwana nokuya muukakunya, mboka u li ehulilo muwo wene, nena omalalakano gongeleki owe gi iteka. Ongeleki kayi na siku yi ka longe memanguluko, omanga iilyo yayo yi li menoko lyuukoloni nuupika. Ngele Satana oko e li kegulu, ngoka na kondjithwe kuKalunga, ihe ngele tse nangoye aatilikalunga, natu kondjithe Satana ngoka e li kevi nomokati ketu.

Ou li mondjila sho to ti, mOmbimbili otaku tiwa natu holathaneni. Ihe ohole yetu kayi na okukala omposi, oyi na okuyoolola pokati kaana yuuyuuki naana yaSatana. Ndishi itatu vulu tu pitike tu ikwate ashike pombunda twa tala ko, Satana nando ona kale e na onkondo? Shila okuninga te ku kwata koonkondo shoka shaa shi we ohole yetu naye.

Elalakano lyetu nali kale okuteya po oluhepo, uupwidhi woludhi kehe, uukoloni nuupika auhe wethiminiko molupe kehe tatu wu dhimbulula. Esindano otatu li adha owala ngele tu li kumwe Aanamibia. Mpaka Kalunga naye ote tu kwatha oyo ombinzi yaa tike we oyindji muNamibia yi vule ndjoka ya tika nale.

Ino dhimbwa, uuyuni owa ninga wa kafuma mulila shaanda, ye shaanda kaa li wo sha fuma. Ano hogona kee shi ho, ye nyokogona kee shi nyoko. Ne ookuume kotokeni, yina yamukweni tu ula okamwana, ongoye ta lombwele. Mboka ye na oonkogo naa leke ano, yo mboka ye na oondjo (omaluyo) naa papate. Oshoka kaku na shikukutu shaa hulu, ko kaku na shidhigu shaa shuna mpadhi monima.

Eeno, otawu sheketa, oshoka oyo ye ya meno lyawo. Kalunga iha dhipagelwa oyana, dha kwata odhetu. OoTitus nayo otwe ya tegelela, eitedhululo olya simana.

Shekutaamba shaNambala Omwiilongi

Omwiilongi Leake Hangala, oshilyo shoSWAPO muupongekwa, okwa adha ngashingeyi onkatu yontseyo yevi nomiifulwamina (geology and mineralogy) mouniveesiti yaHelsinki.

Dr. Hangala muSoomi, otaku tiwa okwa yile mo 1976. Omumvo 1977 omo a tameke oshilongwa she shoka a mono onkatu yasho yotango M.SC. omumvo 1983. Okuza 1984 okwa nyola embo kombinga yoomina dhomuNamibia.

Moshituthi she shetaambo lyonkatu, okwa ti, onkatu kayi shi okukuthwa kumwe noprograma ndjoka SWAPO a tunga nota gandja meputudho lye okulongekidhila Aanamibia etungululo lyoshilongo shaNamibia, shi manguluke noshi ete po uudemokoli.

Okwa tsikile ta ti, oku na mboka ya longwa moshigwana she, ihe elongo lyawo okuhumitha ashike komeho uwanawa wawo yene nenge womutondi, ihe yo moSWAPO elongo oli na ashike oshilonga uuna tali pendula po uwanawa womwaalu ogundji moshigwana.

Aayenda ya simana yepangelo lyaSoomi, otaku tiwa oya li moshituthi shika, mwa kwatelelwa oministeli yiikwaponde yepangelo ndyoka, dr Kalevi Sorsa.



Dha za kep. 10

yuni auhe, ngele twa mana po omi adhihe. Noshiponga shoshikungulu shomeya, otashi vulu shi tu ziilile mefuta, sho omeya gokohulo yevi (pole), otaga ka hengumuka ko.

Elalakano lyandje mpaka, haku fatulula unene oshindji, ihe okweeta ashike shono sha simana, kutya tse yomuumbangalantu, otwi itula unene mokutetagula po omi, inaashi pumbiwa notatu itula mondjala.

Omahala ogendji ngoka ga kala nomiti niihwa konima yomimvo 30 nenge 40, ngashingeyi oga ninga ombuga yowala, shika otashi dhimbululwa momahala gendji mOwambo. Ondi shi kutya iita oyo olunza lwoluhepo lwomagumbo sho aantu ye ya okugongala peha limwe notaa thiminikwa okutetagula po omi opo ya mone omapiya nomagumbo ga gwana.

Ihe tu shi dhimbulukweni wo kutya aatondi yetu oya ninga nale ondunge nkene ye na oku tu fala mondjala yaNekomba, noku tu thigila oshilongo sha manguluka shi li mombuga. Otaa nyanyukilwa shono tatu longo, ye shi shi otashi tu etele oshiponga komeho, onkene katu na egameno lyuuntshitwe lya kola.

Omapulo otaga holoka mpaka gu ukilila kaaleli yetu. Ngele tatu etheni ehala lyetu tali mbugalekwa ngeyi, otatu ka kaleni peni? Otashi zi peni epangelo lyetu lya konakone oshinima shino? Aapangeli naaleli otaa ti ngiini koshilongo tashi mbugalekwa, aniwa omolwegameno, nando olwindji aagamini oyo taa eta iiponga? Aagundjuka otaa ka pewa ompito uunake okutya sha miinima yonakuyiwa yoshigwana?

Oshigwana, tu gandjeni omadhiladhilo getu moshinima shika. Omeya oga pumba ngashingeyi moshigwana nomukanka ngoka gwe ya moshilongo ogwe eta mo enota nondjala shi vule shito, oshoka omeya ihaga kankama mo we miishana, mo ihamu pombelwa sha. Omafundja gopauntshitwe oga thitikwa komukanka nguka.

Tu taleni oshinima shika nomeho guukriste nogopapolotika wo opo tu adheni shili eyamukulo kondjala ya taalela oshito-polwa shika.

G.F.F. na F.T.V. yaSheepo
Ongwediva

Aatiligane oyendji ihaye shi holeke we, kutya oshilongo shika moomvula omulongo tadhi landula, itashi ka kala we nomuti gwa thikama nenge iihwa, nosho tashi ka kala ehulilo lyomvula yokweeta iipalutha shoka. Ontsika yomiti momalundu nomomagumbo.

OKALIINDELISKOLA 1988

Pethimbo Ondjalulamasiku ya longekidhwa, Okaliindeliskola okwa li inaaka monika manga. Ngashingeyi otatu ka teneneke ngeyi, opo ngoka a hala okukala e ka na e ki inyolele.

likakoskola

- | | | | | | |
|-------------|----|---------|------|----|----------|
| 01. Etitatu | 19 | Januali | sigo | 30 | Maalitsa |
| 02. Etiyali | 12 | Apilili | sigo | 23 | Juni |
| 03. Etiyali | 19 | Juli | sigo | 22 | Septemba |
| 03. Etiyali | 04 | Kotoba | sigo | 07 | Desemba |

likakomumvo yetatamumvo

- | | | | | |
|-------------|----|------|----|---------|
| 01. Etitatu | 19 | sigo | 23 | Juni |
| 02. Etiyali | 02 | sigo | 07 | Desemba |

Ooskola otadhi ka tameka ishewe 17 Januari 1989.

Omafudho gowina gooskola:

- | | | |
|-----------|----|----------|
| Etitatu | 13 | Maalitsa |
| Omaandaha | 03 | Kotoba |

Epukululo

Ohandi pukulula epuko olo la holokele mOmuKwetu No.19/87 ep. 7. Efindano lohxupulo inali monikwa kovalumenu veongalo laPuwo, ndele okounonaongalo veongalo olo.

Julia Shihepa
Opuwo

* *Twe ku pandulila ekwafo loye meme Shihepa. Tangi.*

Hamushanga wOmuKwetu

DIMBULUKWA, OVE PANDULA KALUKA KOYE!

Pandula Kalunga koye nonedo
Mu pandula nopexulilo lomudo
Pandula Kalunga koye u lipo, nonena
Mu pandula pamwe neumbo loye, alishe
Mu pandula pamwe nookuume koye,
E mu hambata, amushe opo mu li noneudo.

Mu pandula, mouyadimbili woye
Mu pandula, moilonga yoye yefiku
Mu pandula, eshi e ku xupifa mot-
kungulu.
Pandula, Kalunga koye, noukolele
lutu loye
Pandula, Kalunga neliko loye alishe
Pandula, Kalunga, koye efimbo nefiku
Mu pandula, moulendjila yoye
Mu pandula, nomadilongondunge a wana

Dimbulukwa, pandula Kalunga koye.
Pandula, pamwe nevanhu nhele yoye
Pandula, keendifo laye liwa,
Okudja pehovel, fiyo pexulilo
Pandula, mewaneneno loye olo
Pandula, Kalunga koye nounyuni
wa nyika oita
Ovanamibia, Panduleni Kalunga keni,
nopexulilo lomudo, namde ka mu li
amushe mwa wanena po.

E.Ngh.Shitumbe
Edundja

Mboka ye tu tetekele 1987

- | | | |
|----------|---|--|
| 13.9.87 | - | Lully yaGabriel Shikongo (22) Okahao |
| 22. 9.87 | - | Maria Mtoka (110) Ongenga |
| 29.10.87 | - | Alina yaJosef (50) Okaku |
| 19.11.87 | - | Omulongi Otille Sh.Mulunga (127) Onesi |
| 1.11.87 | - | Evelina Nd.Abed (37) Eendombe |
| 7.11.87 | - | Jason Namhila (67) Ohalushu |
| 22.10.87 | - | Aanania Sebulon (36) Olukonda |
| 10.11.87 | - | Abner Amanganga (68) Omaruru |
| 5. 4.87 | - | Daniel Hokeimo (109) Okalongo |
| 18. 6.87 | - | Omuuvithi Ellakim Iyambo (70) Okando |

- | | | |
|----------|---|---------------------------------|
| 24.11.87 | - | Regina Urho (64) Oluteyi |
| 6. 8.87 | - | Loide Jonas - Othika |
| 30. 8.87 | - | Emma Kwaudimbe (86) Onheleiwa |
| 23. 8.87 | - | Benjamin Natanael (70) Ohalushu |
| 25.10.87 | - | Immanuel Nikodemus (52) Ogongo |
| 16.10.87 | - | Immanuel Jason (35) Ogongo |



OMUKWETU

Dye oshifo shOngeliki Onkwaevangeli paLuther yomu-SWA/NAMIBIA.

Ohashi nyanyangidhwa mOshinyanyangidhe shOngeliki mOnilpa.

Omuluntu gwoshifo omumblofi Kleopas Dumeai.

Amushanga gwoshifo omusita Sebulon Ekanjjo.

Ondando yOmuKwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Oondando nomambesitelo agehe naga tumwe kOmuKwetu, Onilpa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, TEL. (06762) 11, TELEX 56-3257 WEE
SWA/NAMIBIA